



Leej Niam Mab Liab, Tus Muaj Txoj Kev Pab Zoo Lub Tsev Txoos

XOV XWM TXOG KEV NRHIAV NYIAJ TXIAG

LUB 8 HLI, XYOO 2021

Hnub Chiv, lub 8 hli, hnub tim 22

Yog ib hnub zoo nyob rau ntawm thaj av

Huab Tais tau pub ib hnub zoo rau peb, ua thaj txi Tswv Ntuj, sib koom noj ib pluag mov thiab teb sawv daws cov lus nug txog kev nrhiav nyiaj txiag. Muaj ze li ntawm 80 leej tau sib txoos nyob rau Hnub Chiv, lub 8 hli, hnub tim 22 nyob rau ntawm thaj av. Peb tau rov nco txog tej yam Tswv Ntuj tau pub rau peb thiab kev cog lus ntawm lub tsev txoos rau yav tom ntej. Cov duab nyob rau ntawm sab xis no yog thaj nyob rau hnub ntawd.

COV LUS KEEV NUG nyob rau lub 8 hli, hnub tim 22, lub rooj tham txog kev nrhiav nyiaj txiag

Cov lus nram qab no tau nug los ntawm cov ntseeg nyob rau thawj lub rooj teb cov lus nug. Cov lus teb yog los ntawm cov koj thiab pawg saib xyuas kev nrhiav nyiaj txiag. Peb tseem yuav sau sawv daws cov lus nug ntxiv nyob rau lub sij hawm nrhiav nyiaj txiag tom ntej no.

1 Kuv ntshaw ib lub tuam tsev. Peb puas muaj ib pawg cog lus ruaj pab nrhiav txoj hau kev nrhiav nyiaj txiag los pab peb thov mus rau tej pab pawg neeg uas muaj pluaj siab txhawb nqa peb lub tsev txoos? Peb sawv daws puav leej muaj txoj kev ntshaw xav pom peb lub tsev txoos tshwm sim nyob rau thaj av ntawm lub zos Stettin. Church Development yuav nrog peb, taw txoj hau kev rau peb, koj peb kev thiab txhawb nqa peb. Lawv tau nrhiav nyiaj txiag rau cov tsev txoos txij li xyoo 1992 los lawm.

2 Qhov 4 feem puas uas nej tso rau ntawm daim ntawv puas yog tias txhua tsev neeg yuav tsum tau pab li ntawd? Qhov 4 feem pua tsuas yog ib qho peb xav kom txhua tsev neeg xav txog thaum nej los soj ntsuam txog nej txoj kev pab mus 3 lub xyoos tom ntej no xwb. Qhov nej cog lus yuav pab tau yuav muab faib ua 3 lub xyoos xa tuaj, los yog ua ib zaug xa tuaj los tau, nyob ntawm qhov koj tuaj yeem ua tau. Lub 10, hnub tim 10 yog ib hnub tshwj tseg yuav muab cov ntaub ntawv qhia rau nej kom paub txog tias yuav sau thiab teb li cas txog nej txoj kev pab. Peb xav

thov nej xa cov ntawv no rov tuaj, pib txij Hnub Chiv Cog Lus, lub 10 hlis, hnub tim 24, xyoo 2021. Txoj kev nrhiav nyiaj yog pib lub 10 hli, xyoo 2021 txog rau lub 9 hlis, xyoo 2024.

3 Peb yuav ua cas ib leeg twg thiaj yuav tseg tau 4 feem pua txog rau 10 feem pua rau txoj kev nrhiav nyiaj no? Peb thov txhua leej txhua tus ncuu txoj kev mus kab kiab khw kom tsawg dua qub thiab tsis txhob mus twv txiaj. Peb thov sawv daws sib hlub thiab tshwj lub sij hawm los yog nyiaj txiag los txhawb nqa txoj kev tsim tsa peb lub tuam tsev. Peb thov Tswv Ntuj nrog nraim peb nyob rau lub sij hawm nrhiav nyiaj txiag no thiab pub lub zog thiab lub peev xwm rau peb.

4 Thov koj qhia txog qhov sib txawv ntawm 4 feem pua kev pab no thiab lwm yam kev pab? Qhov 4 feem pua no yog los ntawm koj tsev neeg qhov nyiaj tau los txhua xyoo mus rau 3 lub xyoos tom ntej. Muaj tej co neeg yuav pab ntau, tej co yuav pab tsawg. Qhov no yog ib qho txawv ntawm qhov koj niaj hnub tso rau hauv hnab ntawv txhua hnub chiv.



5 Cov neeg tsis nkag siab zoo txog ntawm kev pab raws feem pua. Lawv xav tau kev pab los xam tias lawv yuav pab li cas. Lub 10 hli, hnub tim 10 uas yuav muab cov ntawv yais tawm, peb yuav qhia txog yuav sau li cas thiab yuav pab kom nej to taub txog qhov 4 feem pua no txhais li cas. Peb yuav muab sau piv rau cov yim neeg tej nyiaj txiag tau los tias qhov 4 feem pua ntawv yog raug li cas.

6 Ua li cov tsis yog tswv cuab yuav pab zoo li cas? Cov ntseeg yuav to taub txog txoj kev nrhiav nyiaj txiag no yog lawv tuaj koom cov rooj teb cov lus nug. Lawv yuav tau thov Tswv Ntuj pab lawv txiaj txim siab tias lawv yuav cog lus pab li cas ua ntej lub 10 hli, tim 24. Tom qab tau txais cov (txuas ntxiv nplooj sab nrauv)

COV LUS KEEV NUG nyob rau lub 8 hli, tim 22,

lub rooj tham txog kev nrhiav nyiaj txiag *(txuas ntxiv nplooj sab nrauv)*

ntawv cog lus los ntawm cov tswv cuab lawm, peb mam li thov ntxiv mus rau cov tsis yog tswv cuab sab nrauv.

7 Peb lub Cheeb Koom Txoos yuav pab Leej Niam Mab Liab, Tus Muaj Txoj Kev Pab Zoo Lub Tsev Txoos zoo li cas?

Tab txawm peb tsis tau thov mus rau peb Lub Cheeb Koom Txoos los lawv yeej tau txhawb nqa peb los ntawm qee yam lawm. Txiv Tswv Qhia Callahan tau muab txoj kev pom zoo thiab txhawb nqa lub tswv yim. Txiv Tswv Qhia, yog tus muab kev pom zoo tsim txhua lub tsev txoos raws txoj cai hauv lub Koom Txoos. Thaum pib lub tsev txoos, peb lub Cheeb Koom Txoos tau muab \$100,000 rau Leej Niam Mab Liab, Tus Muaj Txoj Kev Pab Zoo Lub Tsev Txoos. \$10,000 yog tshwj tseg los tsim tsa lub tuam tsev. Txoj kev pab no tau txhawb nqa los ntawm Ann Lankford (tus tswj lub Office for Catechesis and Evangelization). Lub Cheeb Koom Txoos, cov chaw ua hauj lwm tau txhawb nqa lub tsev txoos, teb lawv tej lus thov kev pab thiab tswj txoj hau kev kom raws txoj cai, xws li kev yuav thaj av, pab nyiaj txiag los ntawm cov nyiaj BEET grants los pab them tej ntaub ntawv siv nyob rau hauv lub tsev txoos thiab zeem paub txog cov hauj lwm hauv lub tsev txoos. Leej Niam Mab Liab, Tus Muaj Txoj Kev Pab Zoo Lub Tsev Txoos tau txais kev zeem nyob rau hauv Diocesan publication “Catholic Life” kom xwv lwm lub tsev txoos ho pom thiab paub txog tias kuj muaj ib haiv neeg Hmoob nyob rau hauv lawv lub Cheeb Koom Txoos thiab. Txiv Tswv Qhia kuj zoo siab pom Leej Niam Mab Liab, Tus Muaj Txoj Kev Pab Zoo Lub Tsev Txoos kev loj hlob.

8 Sawv daws twb tau pab tau li cas rau peb lub tuam tsev tshiab lawm?

Peb tau ze li ntawm \$350,000 uas sawv daws tau pab mus tsim lub tuam tsev tshiab no lawm. Cov kev pab no feem ntau los yog los ntawm cov tswv cuab. Ib co yog los ntawm lwm pab lwm pawg los.

9 Kuv yog ib tug nrauj txiv, yog ib leeg poj niam thiab kuv tsis txawj tsav tsheb, tiam sis kuv txaus siab ua txhua yam li kuv lub peev xwm ua tau. Kuv tej phooj ywg tau nug kuv tias thaum twb peb lub tuam tsev mam li tiav. Kuv yuav ua tau li cas?

Peb tos txais txhua txoj kev pab txog txoj kev nrhiav nyiaj txiag no. Yog li ntawd li ntawm 3-4 lub xyoos, peb yuav ua tau peb lub tuam tsev lawm.

10 Thaum twg mam li pib nrhiav nyiaj txiag mus?

Qhov zoo tshaj yog xub pib ntawm cov tswv cuab ces mam li mus rau cov sab nrauv, cov koom haum thiab lag luam. Cov koom haum thiab lag luam xav paub tias ua li cov tswv cuab twb xub pab li cas lawm. Txiv Plig Koob Pheej kuj tau qhia rau lwm leej lwm tus txog peb txoj kev nrhiav nyiaj thiab tau txais kev cog lus tias lwm tus txaus siab pab \$10,000 rau peb. Txiv Plig Koob Pheej thiab Church Development tseem yuav nrog lwm lub koom haum tham ntxiv.

11 Thov qhia peb txog cov kauj ruam thiab sij hawm pib tsim peb lub tuam tsev?

Nram qab no yog qhia txog cov hli tom ntej tias yuav khiav li cas?

1) Tsim tsa tej pab pawg tuav dej num thaum lub 7 hli, sawv daws muaj feem xaiv nyob rau ib pab pawg twg.

2) Lub rooj teb cov lus nug, 8 hli, hnuv tim 22 thiab 9 hlis, hnuv tim 26 yog cov sij hawm nug thiab teb cov ntseeg tej lus nug.

3) Lub rooj tseb thiab qhia txog cov ntawv cog lus pab nyiaj txiag, lub 10 hli, hnuv tim 10, yuav qhia kom nej nkag siab txog yuav teb cov ntawv no rov tuaj li cas. Yuav muaj cov ntawv qhia txog cov kev pab no yuav muab tseb rau nej. Hnuv ntawd kuj yog hnuv pib ntawm ob lub lim piam uas sawv daws yuav tau kub siab thov Tswv Ntuj tiag.

4) Lub 10 hli, hnuv tim 24 yog Hnuv Chiv Cog Lus, peb npaj siab tias yuav tau sawv daws cov ntawv cog lus pab, rov tuaj li ntawm 50 feem pua. Dua li cov, peb yuav sau kom tiav txog rau lub 12 hlis, tim 31, xyoo 2021.

Peb ntseeg tias cov nyiaj sawv daws yuav pab tuaj tuav ntawm tes yuav tau li nram qab no:

- Lub 10 hli, xyoo 2022, peb yuav tau li ntawm 50 feem pua cov nyiaj tuaj.
- Lub 10 hli, xyoo 2023, peb yuav tau li ntawm 75 feem pua cov nyiaj tuaj
- Lub 10 hli, xyoo 2024, peb yuav tau li ntawm 100 feem pua cov nyiaj tuaj

Lub Cheeb Koom Txoos yuav saib thiab muab kev pom zoo rau peb txog kev npaj lub tuam tsev ua ntej lawv yuav pub peb pib khawb av. Lawv yeej txaus siab muab kev pom zoo rau peb lawm, tiam sis lawv tseem yuav soj ntsuam thiab muab kev pom zoo suaj kaum rau peb txog peb daim qauv tsev thiab peb cov kev npaj. Lub Cheeb Koom Txoos tau hais tseg tias peb yuav tsum muaj li ntawm 80 feem pua nyiaj nyob rau hauv peb Lub Cheeb Koom Txoos chaw ceev nyiaj thiab muaj txoj hau kev nrhiav 20 feem pua ntxiv.

LUB ROOJ TEB COV LUS NUG TXOG KEV NRHIAV NYIAJ NYOB RAU LWM ZAUS
HNUV CHIV, LUB 9 HLIS, TIM 26 TOM QAB THAJ TXI TSWV NTUJ

Mam li qhia ntxiv rau nej